

NÜXĨRAÜXÜ GA POPERA GA TECHARÓNICAWA YEXMAGÜXÜ GA YAXŌGÜXÜTANÜWA NAMUXÜ GA PAURU

Pauru rü nüxü narümoxē ga yema yaxōgüxü ga Techarónicawa yexmagüxü

¹ Pa Toeneēgü i Techarónicawa Ngēxmagüxü i Tanatü ya Tupana rü Tórü Cori ya Ngechuchu ya Cristuarü Duüxügü Ixīgüxüx, choma i Pauru rü namaã i taeneē i Chiribánu rü Timutéu nixĩ i pexcèx tanaxümatüxü i ñaã popera. Rü tanaxwèxe i Tanatü ya Tupana rü tórü Cori ya Ngechuchu ya Cristu pexü narüngüxēē rü pexü nataãēxēē.

Meãma nayaxōgü ga yema Techarónicawa yexmagüxü rü yemaãcü wüxi ga cuèxruü ga mexü nixīgü

² Rü torü yumüxēwa rü guxüguma pexna tacuèxãchigü, rü pexcèx Tupanana moxē taxã.

³ Rü guxüguma i ngēxguma Tanatü ya Tupanamaã tidexagügu, rü taguma nüxü itayarüngümaē na ñuxãcü meã peyaxōgüãcüma penaxüxü i Tupanaärü puracü, rü ñuxãcü nüxü pengechaügüãcüma togüxü perüngüxēēxü. Rü taguma nüxü itayarüngümaē na ñuxãcü aixcüma meã ípenanguxēēxü ya tórü Cori ya Ngechuchu ya Cristu rü ngēmacèx yaxna namaã pexĩnüē i ngēma ngüxü i ñuxma pingexü.

⁴ Pa Chaueneēgüx, Tupana pexü nangechaü, rü nüxü tacuèx rü nümatama nixĩ ga pexü nadexü.

5 Rū yexguma pemaã nüxŭ tixuxgu ga Tupanaãrŭ ore i tŭxŭ maxêxêxŭ, rŭ tama toechama tidexagŭmare, yerŭ Tupanaãe i Üünexŭ toxŭ narŭngŭxêe na norŭ poramaã pemaã nüxŭ tixuxŭ. Rŭ meã nüxŭ tacuããcŭma pemaã nüxŭ tixu ga yema ore yerŭ toðewatama nüxŭ tacuèx na aixcŭma yŭxŭ. Rŭ pematama nüxŭ pecuèx ga ñuxãcŭ meã pepèxewa na tamaxêxŭ ga yexguma na yemaãcŭ pexŭ tarŭngŭxêegŭxŭcèx.

6 Rŭ pema rŭ meãma penaxŭgŭ ga yema pexŭ tangŭxêxŭ rŭ yema tŭxŭ nangŭxêxŭ ga tórŭ Cori ya Ngechuchu. Rŭ Tupanaãe i Üünexŭ pexŭ taãxêeãcŭma penayauxgŭ ga yema ore ga woo yemacèx poraãcŭ ngŭxŭ na pingegŭxŭ.

7 Rŭ yemaãcŭ ga pema rŭ wŭxi ga cuèxruŭ ga mexŭ pixŭgŭ naxcèx ga guxŭma ga yema yaxŭgŭxŭ ga Machedóniããnewa rŭ Acayaanewa yexmagŭxŭ.

8 Rŭ yema na peyaxŭgŭxŭgagu rŭ tórŭ Cori ya Ngechuchuarŭ ore rŭ guxŭwama ninguchigŭ. Rŭ ngêmacèx i ñuxma rŭ Machedóniããnewa rŭ Acayaanewa rŭ guxŭwama nüxŭ nacuèxgŭ na ñuxãcŭ meã Tupanaãxŭ peyaxŭgŭxŭ. Rŭ ngêmacèx marŭ taxucèxma tŭxcŭŭ i toma rŭ namaã nüxŭ tixu i ngêma ore i mexŭ i pechiga.

9 Erŭ nŭmagŭtama i ngêma duŭxŭgŭ rŭ marŭ nüxŭ nixugŭgŭ ga ñuxãcŭ ga pema rŭ meã toxŭ na peyauxgŭxŭ ga yexguma petanŭwa taxŭxgu. Rŭ nüxŭ nixugŭgŭ ta ga ñuxãcŭ nüxŭ na perŭxoexŭ ga perŭ tupanenetachicŭnèxãgŭ na Tupanaxŭchi ya maxŭcŭ rŭ ixaixcŭmacŭwe perŭxŭxŭcèx rŭ nüxŭ pepuracŭxŭcèx.

10 Rū nüxŭ nixugŭgŭ ta na ñuxãcŭ aixcŭma ípenanguxêêxŭ na wenaxãrŭ daxŭwa ne naxŭxŭ ya Ngechuchu ya Tupana Nane ga yuwa ínadaxêêãcŭ. Rŭ yima Ngechuchu nixŭ ya tŭxŭ ínguxŭxêêcŭ nüxna i ngêma poxcu i ãücŭmaxŭ tá ínguxŭ.

2

Pauruarŭ puracŭ ga Techarónicawa

1 Pa Chaueneëgŭx, rŭ pematama nüxŭ pecuèx rŭ tama natüçèxmare nixŭ na pexŭtawa taxŭxŭ.

2 Rŭ pema nüxŭ pecuèx rŭ naxŭpa ga pexŭtawa na tangugŭxŭ rŭ chixri tomaã nachopetŭ ga Pirípucŭãxgŭ rŭ tomaã naguxchigagŭ. Natŭrŭ Tupana toxŭ narüngŭxêê na pemaã nüxŭ tixuxŭcèx ga norŭ ore i tŭxŭ maxêêxŭ. Rŭ yemacèx tama tamuêêãcŭma pemaã nüxŭ tixu ga yema ore woo ga torŭ uwanŭgŭ rŭ poraãcŭ toxŭ na naguxchaxêêgŭãxŭ.

3 Rŭ yexguma pemaã nüxŭ tixuxgu ga yema ore, rŭ tama ítatüêãcŭma pemaã nüxŭ tixu. Rŭ tama chixexŭ pemaã taxŭgŭchaŭãcŭma rŭ tama pexŭ tawomŭxêêgŭchaŭãcŭma pemaã nüxŭ tixu ga yema ore.

4 Yerŭ Tupana nixŭ ga toxŭ unetacŭ rŭ toxŭ mucŭ na pemaã nüxŭ tixuxŭcèx ga norŭ ore i mexŭ i tŭxŭ maxêêxŭ. Rŭ yemacèx Tupana naxwèxexŭãcŭma pemaã nüxŭ tixu ga yema ore. Rŭ tama duŭxŭgŭxŭmare na tataãêxêêgŭxŭcèx pemaã nüxŭ tixu, natŭrŭ nüxŭ tixu na Tupanaxŭ tataãêxêêgŭxŭcèx. Rŭ nüma ya Tupana nixŭ i tŭxŭ nacuáxŭ rŭ tŭxŭ nadauxŭ rŭ nangugŭãxŭ i ngêma nagu rŭxŭnŭxŭ.

⁵ Rū pema nūxū pecuèx rü taguma pepëxewa pexū ticuèxüügü na toga pexĩnũëxüçèx, rü taguma pexū tawomüxëëgü na ngĩxū tayauxgüxüçèx ga perü dīeru. Rū Tupana nixĩ ya toxū daucü na taguma yemaäcü na tanaxüxū.

⁶ Rū taguma naxcèx tadaugü na duüxügü toxū icuèxüügüxüçèx, rü woo i pema rü bai i togü i duüxügü.

⁷ Rū woo Cristutama toxū namu na yaxōgüxūārü äëxgacügü na tixĩgüxū natürü tama ñoma wüxi ga äëxgacürüü pepewa tixĩgü. Natürü meãmare pemaã itacuèx, ñoma wüxi i mamá i ngĩäcügüna meã dèuxcürüü pemaã tixĩgü.

⁸ Rū poraäcü pexū tangechaü, rü yemacèx pemaã nūxū tixu ga Tupanaärü ore. Rū tama yemaxicatama pexna taxäxchaü ga yexguma. Natürü marü ítamemare ta ga pexcèx na tayuexü, yerü poraäcü pexū tangechaügü.

⁹ Pa Chaueneëgüx, pema nūxū pecuèx ga ñuxäcü poraäcü na tapuracüexü na torü õnacèx tataxegüxüçèx. Rū ngunecü rü woo chütacü tapuracüe na taxúeaxüma wüxi ga guxchaxü tixĩgüxüçèx ga yexguma petanüwa tayexmagügu rü pemaã nūxū tixuxgu ga Tupanaärü ore.

¹⁰ Pa Duüxügü i Tupanaäxü Yaxōgüxü, pema nixĩ ga toxū pedaugüxü rü Tupana rü ta toxū nadau ga ñuxäcü meã na tamaxëxü ga petanüwa, rü ñuxäcü taxuüma ga chixexü na taxüxü ga yexguma.

¹¹ Rū pema nūxū pecuèx ta ga ñuxäcü pexü na tanangüchaüxëëxü. Rū yexguma pengechaügügu, rü pexü tataäëxëëgü ñoma wüxi i papá i naxäcügüxü taäëxëëgüxürüü.

12 Rū ñuxma na Tupanaārū pixīgūxū, rū pexū taxucuxēgū na meã naxcèx pemaxēxū. Rū nūma nixī i pexcèx nangemaxū na ngextá ãëxgacū íyīxūwa pengugūxūcèx na ngēma mexūwa pengēxmagūxūcèx.

13 Rū ngēmacèx guxūguma pexcèx Tupanana moxē taxā, yerū yexguma noxri nūxū pexīnūēgu ga yema norū ore ga pemaã nūxū tixuxū, rū meã penayauxgū, yerū nūxū pecuèxgū rū aixcūma Tupanaārū ore nixī rū tama duūxūgūarū oremare nixī. Rū yema ore nixī ga naxūchicūxū ga perū maxū ga yexguma peyaxōgūgu.

14 Pa Chaueneēgūx, nūxū tacuèx na ñuxācū ngūxū pingegūxū yerū petanūxūgūtama pexchi naxaie rū chixri pemaã nachopetū. Natūrū yemaācūtama nūxū nangupetū ga Tupanaārū duūxūgū ga Ngechuchu ya Cristuaxū yaxōgūxū ga Yudéaanewa yexmagūxū. Yerū natanūxūgūtama ga Yudíugū rū chixri namaã nachopetū.

15 Rū yema Yudíugū nixī ga tórū Cori ga Ngechuchuxū imèxgūxū, yexgumarūū ga norū oxigū rū nuxcūmaūgūxū ga Tupanaārū orearū uruūgūxū na nadèixūrūū. Rū yema Yudíugū nixī ga towe ingèxūtanūxū. Rū Tupanamaã rū guxū i duūxūgūmaã narūxuanūgū.

16 Rū ngēxguma ngēma duūxūgū i tama Yudíugū ixīgūxūmaã nūxū tixuxchaūgu i Tupanaārū ore na nūmagū rū ta nūxū nangēxmagūxūcèx i maxū, rū ngēma Yudíugū rū toxna nanachuxu. Rū ngēmaācū i ngēma Yudíugū rū poraācūxūchima chixexū naxūgū. Rū ngēmacèx i ñuxma rū dūxwa marū nūxna nangu i ngēma Tupanaārū poxcu i āucūmaxūchixū.

*Pauru rü nüxũ nangúchaũ na wenaxãrũ
natanüwa naxũxũ ga yema yaxõgũxũ ga
Techarónicawa*

yexmagũxũ

¹⁷ Pa Chaueneẽgũx, yexguma pexna ítixĩguwena, rü woo tama pexütawa na tayexmagüechaxũ, natürü guxũguma pegu tarüxĩnüẽ, rü poraãcü toxũ nangúchaũ na pexütawa taxĩxũ na wenaxãrũ pexũ ítayadaugũxũcèx.

¹⁸ Rü aixcüma ngema taxĩxchaũ. Rü chomatama i muẽxpüxcüna rü chanaxwèxe na ngema pexütawa taèx chaxũxũegaxũ natürü ngoxo i Chataná rü guxũguma toxũ nanaguxchaxẽẽ na tama ngema taxĩxũcèx.

¹⁹ Natürü pexũ ítayadaugũchaũãma erü ngẽxguma wenaxãrũ núma naxũxgu ya tórü Cori ya Ngechuchu ya Cristu rü ¿tècücèx tá nixĩ i Tupanapẽxewa tataãẽgũxũ i tomax? Rü aixcüma pewa tá nixĩ i ítananguxẽẽxũ na tomaã nataãẽxũ ya Tupana. Rü pema tá nixĩ i torü taãẽ pixĩgũxũ. Rü pegagu tá nixĩ i aixcüma togümaãtama tataãẽgũxũ i napẽxewa.

²⁰ Rü ngẽmáãcü pegagu nixĩ i togümaãtama tataãẽgũxũ, rü pema nixĩ i torü taãẽ pixĩgũxũ.

3

¹ Rü yema na taxuacüma ñuxãcü wenaxãrũ petanüwa na chaxũxũ, rü düxwa nagu charüxĩnü na Atenagutama na charüxãũxũ.

²⁻³ Rü pexütawa chanamu ga taeneẽ ga Timutéu na pexũ íyadauxũcèx. Erü nüma nixĩ i Tupanaãrũ puracütanũxũ i wüxigu namaã

tapuracüexŭ na tanaxunagüxŭcèx i ngẽma ore i mexŭ i Cristuchiga. Rŭ ngema petanüwa chanamu na pexŭ nangüxẽxŭcèx na yexeraãcü peyaxõgüxŭcèx rŭ aixcüma petaãgüxŭcèx rŭ ngẽmaãcü taguma texé i petanüwa nüxŭ rŭxoxŭcèx ega tacü rŭ guxchaxŭ pexŭ ngẽxmagu. Erü pematama marü nüxŭ pecuèx na guxãma i yixema na yaxõgüxŭ rŭ ngúxŭ tá tingegü.

⁴ Rŭ yexguma petanüwa tayexmagügu rŭ marü pemaã nüxŭ tixu na ngúxŭ tá pexŭ üpetüxŭ. Rŭ pema marü nüxŭ pecuèx na aixcüma yemaãcü pexŭ nangupetüxŭ.

⁵ Rŭ yemacèx ga yexguma marü tama namaã chaporagu ga yema tama paxa pechigaxŭ na chacuáxŭ, rŭ yemacèx düxwa Timutéuxŭ yéma petanüwa chamu na pexna yaçaxŭcèx ngoxi meã ípeyaxõgüama i Tupanaãrŭ ore. Yerü chaxoegaã rŭ bexmana ngoxo i Chataná rŭ chixexŭgu pexŭ nayixẽ, rŭ chi ngẽmaãcü yixŭgu, rŭ natüçèxmamare chi nixŭ ga pemaã nüxŭ tixuxŭ ga Tupanaãrŭ ore.

⁶ Natürŭ ñuxma na ínanguxŭ i Timutéu na petanüwa ne naxŭxŭ, rŭ mexŭ i ore i pechiga ngema ne nange. Rŭ tomaã nüxŭ nixu na ñuxãcü meã peyaxõgüxŭ, rŭ ñuxãcü guxãma meã pegü pengechaŭgüxŭ. Rŭ tomaã nüxŭ nixu ta na ñuxãcü guxüguma toxŭ pengechaŭgüãcüma togu perüxŭnëxŭ, rŭ ñuxãcü poraãcü wena toxŭ pedaugüchaŭxŭ rŭ ngexgumarüxŭ ta i toma rŭ toxŭ nangüchaŭ na wena pexŭ tadaugüchaŭxŭ.

⁷ Rŭ ngẽmacèx, Pa Chaueneëgüx, rŭ woo guxchaxŭ toxŭ na ngẽxmaxŭ rŭ ngúxŭ na tingegüxŭ, rŭ poraãcü toxŭ nataãxẽ i ngẽma pexŭ na tacuáchigaxŭ na meã ípemaxëxŭ rŭ meã

peyaxōgüamaxŭ.

⁸ Rŭ ñuxma na nüxŭ tacuáchigaxŭ na aixcŭma meã tórŭ Coriaxŭ peyaxōgüamaxŭ, rŭ poraãcŭ tataãgŭ.

⁹ ¿Rŭ ñuxãcŭ tá Tupanana moxê taxã naxcèx i ngẽma taãe i taxŭ i toxna pexãxŭ? Erŭ aixcŭma pegagu nixŭ i toxŭ nangẽxmaxŭ i wŭxi i taãe i taxŭ i napêxewa.

¹⁰ Rŭ ngunecŭ rŭ chŭtacŭ rŭ tayumŭxègŭ, rŭ Tupanana naxcèx tacagŭ na petanŭwa toxŭ nawoeguxèxŭcèx na wena pexŭ tadaugŭxŭcèx rŭ pexŭ tarŭngŭxègŭxŭcèx na yexeraãcŭ nüxŭ peyaxōgŭxŭcèx.

¹¹ Rŭ poraãcŭ tanaxwèxegŭ na Tanatŭ ya Tupana rŭ tórŭ Cori ya Ngechuchu ya Cristu toxŭ natauxchaxèxŭ na wena petanŭwa ítayadaugŭxŭcèx.

¹² Rŭ tanaxwèxegŭ na tórŭ Cori ya Ngechuchu pexŭ rŭngŭxèxŭ na yexeraãcŭ pegŭ pengechaŭgŭxŭcèx rŭ guxŭ i duŭxŭgŭxŭ na pengechaŭgŭxŭcèx, ngèxgumarŭŭ i toma rŭ poraãcŭ pexŭ na tangechaŭgŭxŭrŭŭ.

¹³ Rŭ tanaxwèxegŭ na tórŭ Cori ya Ngechuchu pexŭ rŭngŭxèxŭ na peãewa rŭ aixcŭma meã peyaxōgŭxŭcèx rŭ norŭ duŭxŭgŭ i aixcŭma mexŭgŭ na pixŭgŭxŭcèx rŭ na nataxuxŭcèx i perŭ pecadugŭ i napêxewa ya Tanatŭ ya Tupana i ngèxguma wena núma naxŭxgu ya tórŭ Cori ya Ngechuchu ya Cristu namaã i guxŭma i norŭ duŭxŭgŭ. Rŭ tanaxwèxe na ngẽmaãcŭ yŭxŭ.

Maxŭ i Tupanaxŭ taãẽxẽxũchiga

¹ Rŭ ñuxma Pa Chaueneëgŭx, rŭ tórŭ Cori ya Ngechuchuégagu pexŭ tacèxŭ rŭ pexŭ tamu na guxŭguma Tupanacèx meã pemaxèxŭ yema pexŭ tangúexèxŭrŭrŭ rŭ ñuxma marŭ penaxŭxŭrŭrŭ.

² Pema rŭ marŭ nüxŭ pecuèx ga yema torŭ ucuxëgŭ ga tórŭ Cori ya Ngechuchu toxŭ muxŭ na pexŭ tangúexèxŭcèx.

³ Rŭ Tupana nanaxwèxe na aixcŭma namexŭ i perŭ maxŭ rŭ naxcèxicatama na pemaxèxŭ. Rŭ tama name i chixri pemaxè i napèxewa rŭ to i ngexŭgŭmaã pengëãëgŭmare.

⁴ Rŭ wŭxichigŭ tanaxwèxe na aixcŭma tŭmamèxŭ tangechaŭxŭ, rŭ ngĩmaãxĩcatama na tamaxŭxŭ.

⁵ Rŭ tama name i ngĩxŭ na pecuáxchaŭmarexŭcèx ngĩmaã pexãmèx i wŭxi i nge erŭ ngẽmaãcŭ namaxè i ngẽma duŭxŭgŭ i tama Tupanaãxŭ yaxôgŭxŭ.

⁶ Rŭ tama name i texé ngĩmaã tamaxŭ i naxmèx ya tŭmaëneë. Erŭ yexgumarŭrŭ ga marŭ pemaã nüxŭ tixuxŭrŭrŭ, rŭ Tupana tá poraãcŭ tŭxŭ napoxcu ya guxãma ya yíxema ngẽmaãcŭ maxèxè.

⁷ Erŭ Tupana tŭxŭ nade na meã imaxèxŭcèx rŭ tama chixexŭ ixŭgŭxŭcèx.

⁸ Rŭ ngẽmacèx ega texé tama naga ñnŭgu i ññaã ngŭxèetaegŭ, rŭ pemaã nüxŭ chixu rŭ tama wŭxi i duŭxŭga nixĩ i ngẽma nüxŭ taxoxŭ, natŭrŭ Tupanagatama nixĩ i nüxŭ taxoxŭ. Rŭ guma nixĩ ga pexna namucŭ ga Naã i Üñexŭ.

⁹ Rŭ ngẽma na pegŭ pengechaŭgŭxŭchiga, rŭ taxucèxma pexcèx chanaxŭmatŭ i poperawa. Yerŭ Tupanatama marŭ pexŭ nangúexèë i ngẽma na

ñuxãcü aixcüma pegü pengechaũgũxũ.

¹⁰ Rũ aixcüma nixĩ i guxũguma meã nüxũ pengechaũgũxũ i guxũma i taeneẽgũ i Machedóniããnewa ngẽxmagũxũ. Natürũ, Pa Toeneẽgũx, pexũ tacèxũgũ na yexeraãcü meã nüxũ pengechaũgũxũcèx.

¹¹ ¡Rũ meã pegü pengechaũgũ, rũ pexrütama maxũgu perũxĩnũe, rũ tama i togüarũ maxũgu! ¡Rũ pematama naxcèx pepuracüe i perũ ngẽmaxũgũ yema marũ pemaã nüxũ tixuxürũ!

¹² Rũ ngẽxguma ngẽmaãcü pemaxẽgu, rũ ngẽma duũxũgũ i tama yaxõgũxũ rũ tá pexũ nangechaũgũ, rũ taxuũtáma pexũ nataxu.

Ñuxãcü tá nixĩ i ngẽxguma nataegugu ya tórũ Cori

¹³ Pa Chaueneẽgũx, rũ ñuxma rũ tá pexũ nüxũ chacuèxẽẽ i ngexta tá naxĩxũ i ngema yaxõgũxũ i yuexũ na ngemaãcü tama pengechaũgũxũcèx naxrũxũ i ngema tama nüxũ cuèxgũxũ na wena tá namaxẽxũ i ngema yuexũ.

¹⁴ Erũ yixema na yaxõgũxũ na nayuxũ rũ wena namaxũxũ ga Ngechuchu, rũ ngẽxgumarũũ ta tayaxõgũ na Tupana tá ínadagũxẽẽxũ i guxũma i ngẽma Ngechuchuaxũ yaxõgũãcüma yuexũ.

¹⁵ Rũ ngẽmacèx pemaã nüxũ tixu i ngẽma ore ga tórũ Cori ya Ngechuchu namaã nguxẽẽtaexũ. Rũ ngẽxguma wena núma naxũxgu ya tórũ Cori ya Ngechuchu rũ yixema na imaxẽxũ i ñoma i naãnewa rũ tãũtáma yixira napẽxe taxĩ i ngẽma yuexũ.

¹⁶ Erũ nümatama ya Cori ya Ngechuchu rũ daxũwa tá ínarũxĩ, rũ tá nangẽxma i wüxi i naga i taxũ i daxũwa inaxũxũ i tüxũ muxũ, rũ tá nüxũ

taxĩnüē i Tupanaārü orearü ngeruŭgüarü ãëxgacü i tagaãcü daxüwa icagüxü, rü tá yacuegüxü ya Tupanaārü corneta. Rü ngëxguma i ngëma yuexü i Cristuaxü yaxõgüxü rü tá ínarüdagü.

¹⁷ Rü ngëmawena i yixema na imaxëxü rü Tupana tá wüxigu caixanexügu tüxü nigagü namaã i ngëma duüxügü i yuwa írüdagüxü. Rü ngëmaãcü tá daxügu tórü Cori ya Ngechuchuxü tayangaugü na guxügutáma naxütawa ingëxmagüxüçex.

¹⁸ Rü ngëmacèx chanaxwèxe i ñaã oremaã pegü petaãëxëégü.

5

¹ Natürü, Pa Chaueneëgüx, rü ngëma norü ngunexü rü taunecü i tá nagu nangupetüxü i ngëma pemaã nüxü chixuxü, rü taxucèxma pexcèx chanaxümatü i ngëmachiga.

² Erü pematama meã nüxü pecuèx rü ngëma ngunexü i taxüema nagu ínanguxëëxügu tá nixĩ i ínanguxü ya tórü Cori ya Ngechuchu. Rü ñoma wüxi i ngítèxáxü i ngürüãchi chütacü ínguxürüü tá nixĩ.

³ Rü ngëxguma duüxügü nagu írüxĩnüëgu na guxüma na mexü rü taxüma na nüxü üpetüxü, rü ngëma ngunexügügu rü tá ngürüãchi nagux i guxüma. Rü ñoma wüxi i ngecü i äxácücü rü ngürüãchi ngíxácümaã nguxnecacürüü tá nixĩ na taxüema naxchaxwa iñaxü i ngëma.

⁴ Natürü pemax, Pa Chaueneëgüx, rü marü meãma nüxü pecuèx i Cristuarü nguchiga. Rü ngëmacèx taxucèxma ngürüãchi pexü ínayabaixgü ya Cori ya Ngechuchu ñoma wüxi i ngítèxáxü tüxü íbaixgüxürüü.

⁵ Erü guxãma i pema rü Tupanaãrü duũxũgü pixĩgü, rü ngẽmacèx ngóonexũwa pengẽxmagü rü meãma nüxũ pecuèx na ñuxãcü meã pemaxẽxũ. Rü yixema rü tama Chatanáãrü duũxũgü tixĩgü, rü ngẽmacèx tama eãnexũwa tangẽxmagü rü tama tanaxü i ngẽma chixexũ i eãnexũwa üxũ.

⁶ Rü ngẽmacèx tama name i taechita tamaxẽmare naxrũũ i ngẽma duũxũgü i tama yaxõgũxũ. Rü name nixĩ i taxuãëgü, rü meã taãëgu tarüxĩnũe.

⁷ Erü ngẽma duũxũgü i naëchitamare maxẽxũ rü ñoma duũxũgü i chütacü peexũrũũ nixĩgü. Rü ngẽma duũxũgü i axegũxũ rü chütacü nixĩ i nügü nangãxẽxẽxũ.

⁸ Natürü i yixema rü ngóonexũwa tangẽxmagü, rü ngẽmacèx tanaxwèxe i guxũguma taxuãëgü. Rü name nixĩ i aixcüma meã Tupanaãxũ tayaxõgü, rü yigü tangechaũgü, rü meã ítananguxẽẽ na Tupana tüxna naxãxũcèx i ngẽma maxũ i taguma gúxũ. Rü ngẽxguma ngẽmaãcü imaxëgu, rü ngẽmaãcü tá yigü ítapoxũ i ngẽxguma Chataná chixexũgu tüxũ yixẽẽchaũgu.

⁹ Erü Tupana rü tama tüxũ nade na tüxũ napox-cuexũcèx, natürü tüxũ nade na tórü Cori ya Ngechuchu ya Cristugagu nayauxgũxũcèx i maxũ i taguma gúxũ.

¹⁰ Rü Ngechuchu ya Cristu rü taxcèx nayu na wüxigu namaã imaxẽxũcèx i daxũguxũ i naãnewa. Rü nüetama ega woo marü iyuyane ínanguxgu rü ëxna imaxëyane ínanguxgu, erü daxũguxũ i naãnewa rü wüxiwa tá namaã tamaxẽ.

¹¹ Rü ngẽmacèx, Pa Chaueneëgũx, rü name nixĩ i wüxichigü pegü petaãxẽëgü rü pegü pepo-raexẽẽ i perü õwa ngẽxgumarũũ i ñuxma na marü

Ípenaxügüxŭ.

Pauru rü nayaxucuxĕgü ga yema yaxōgüxŭ

¹² Pa Chaueneĕgüx, pexŭ tacèxŭgü na nüxŭ pengechaŭgüxcèx i ngĕma taeneĕgü i petanüwa puracüexŭ rü pemaã icuèxgüxŭ rü pexŭ ngúxĕĕxŭ i Cori ya Ngechucharü ore.

¹³ Rü name nixĩ i namaã petaãĕgü rü aixcüma meã nüxŭ pengechaŭgü i ngĕma taeneĕgü, erü nümagü nixĩ i pexŭ nangŭxĕĕgüxŭ. Rü name nixĩ i pegü pengechaŭgüäcüma pemaxĕ.

¹⁴ Rü pemaã nüxŭ tixu ta na penaxucuxĕgüxŭ i ngĕma duŭxŭgü i oexŭ i tama pura-cüechaŭxŭ. ;Rü nüxŭ penangúchaŭxĕĕgü i ngĕma duŭxŭgü i marü nüxŭ rüxoechaŭxŭ na yaxōgüãxŭ! ;Rü nüxŭ perüngŭxĕĕgü i ngĕma duŭxŭgü i turaexŭ i norü ōwa! ;Rü name nixĩ i yaxna namaã pexĩnüĕ i guxŭma i ngĕma taeneĕgü!

¹⁵ Rü ngĕxguma texé chixexŭ pemaã ũxgu, rü tama name i chixexŭmaã penataeguxĕĕ. ;Natürü name nixĩ i naxcèx pedau na guxŭguma mexŭ pexügüxŭ i pegütanüwa rü ngema togütanüwa rü ta!

¹⁶ Rü name nixĩ i guxŭguma petaãĕgü.

¹⁷ ;Rü guxŭguma peyumŭxĕgü!

¹⁸ ;Rü woo tacü pexŭ ngupetügu, rü Tupanana moxĕ pexãgü! Erü ngĕmaäcü nanaxwèxe ya Tupana na pemaxĕxŭ i pema i Ngechuchu ya Cristuarü duŭxŭgü na pixĩgüxŭ.

¹⁹ Rü tama name i nüxŭ pexoe i Tupanaãĕ i Üünexŭ.

²⁰ Rü tama name i nüxŭ pexoe i Tupanaärü ore ega texéwa pemaã yadeaxgu ya Tupana.

21 Natürü name nixĩ i meãma penangugü i guxũma i oregü na nüxũ pecuáxũcèx rü ngoxi aixcũma yĩixũ i ngẽma ore rü ěxna tama. ¡Rü ngẽma ore i aixcũma mexũxĩcatama pixõgü!

22 ¡Rü nüxna pixĩgachi i nagúxũraũxũ i chix-exũgü!

23 Rü chanaxwèxe i nümatama ya Tupana ya tüxũ taãxẽẽcü pexũ imexẽẽ na aixcũma napẽxewa pimexũcèx. Rü chanaxwèxe i guxũwama pexna nadau i peãewa rü pexenewa na nataxuxũcèx i tacü i perü chixexũ i ngẽxguma wenaxãrũ núma naxũxgu ya tórü Cori ya Ngechuchu ya Cristu.

24 Rü nüma ya Tupana ya pexũ decü rü nix-aixcũma na yanguxẽẽãxũ i guxũma i ngẽma tamaã inaxunetaxũ.

Pauru rü wenaxãrũ yema duũxũgũxũ narümoxẽ rü naxcèx ínaca na Cori ya Ngechuchu ya Cristu meã nüxũ rüngũxẽẽxũ ga

yema yaxõgũxũ

25 Pa Chaueneẽgũx, ¡Toxcèx peyumũxẽgü!

26 Rü chanaxwèxe i chauégagu nüxũ perümoxẽgü i guxũma i taeneẽgü.

27 Rü Cori ya Ngechuchuégagu pexũ chamu na guxũ i taeneẽgüpẽxewa na nüxũ pedaumatũxũ i ñãã popera i pexcèx ngẽma chamuxũ.

28 Rü chanaxwèxe i tórü Cori ya Ngechuchu ya Cristu pexũ narüngũxẽẽ i guxãma i pemax.

Rü nuãma pexna,
Pauru

**Tupanaarü Ore i Tóru Cori ya Ngechuchu ya
Cristuchiga
New Testament in Ticuna (PE:tca:Ticuna)**

copyright © 2008 Wycliffe Bible Translators, Inc.

Language: Ticuna

Translation by: Wycliffe Bible Translators, Inc.

Ticuna

tca

Peru

Copyright Information

© 2008, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Ticuna

© 2008, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 18 Apr 2025 from source files dated 29 Jan 2022

9d5dc22a-30be-5d26-85a9-76047f4c89e6